

Informacije namijenjene roditeljima i obrazovnim radnicima u kantonu Vaud - Koronavirus (Covid-19)

Aktualiziranje informacija

Ova stranica posvećena obrazovnim ustanovama, školama i pred- i vanškolskim ustanovama aktualizira se prema razvoju situacije.

Verzija od 1. maja 18:00.

Zašto su obrazovne ustanove zatvorene?

Suočeni sa razvijanjem situacije, kanton Vaud je donio, uz konsultaciju sa Saveznim vijećem, izuzetne i do sada neviđene mjere radi zaštite rizičnih osoba i osoba starijih od 65 godina te radi podrške zdravstvenom sistemu. Od ponedjeljka 16. marta, učenici obavezne i post-obavezne škole, studenti i nastavnici više ne odlaze u obrazovne ustanove i ostaju kod kuće radi borbe protiv širenja virusa. Isto se odnosi i na pripravnike na obuci. Veoma je važno da što više ljudi ostane kod kuće. Da bi se podržao zdravstveni sistem, u svim obrazovnim ustanovama obavezne škole biće obezbjeđena školska skrb o djeci od 7:00 do 18:30.

Da li se nastava nastavlja?

Da, ali od kuće. Nastava će se ponovo odvijati u školi od 11. maja.

Za više informacija:

- [Odluka br. 166: "Odredbe za provođenje obrazovanja na daljinu u okviru obaveznog obrazovanja \(COVID 19\)" od 24. marta 2020. godine \(PDF, 151 Ko\)](#)
- [Rješenje od 23. marta 2020. godine o mjerama podrške u oblasti obaveznog obrazovanja čiji je cilj ublažavanje posljedica preduzetih mjera u borbi protiv koronavirusa \(COVID 19\) \(PDF, 31 Ko\)](#)

Kako se odvija usluga školske skrbi o djeci?

U odjeljenjima je najviše 9 učenika a u skladu sa striktnim higijenskim pravilima OFSP-a. Ove ustanove su snabdjevene tečnim sapunom, ubrusima za jednokratnu upotrebu, a po potrebi

i hidro-alkoholnim rastvorima. Koordinacija sa vannastavnim strukturama je u toku. Ova usluga skrbi biće obezbjeđena tokom raspusta.

Koji roditelji imaju pravo na uslugu školske skrbi o djeci?

Rješenjem Saveznog vijeća koje je stupilo na snagu 17. marta 2020. (Rješenje 2 COVID-19, čl. 5. al. 3.) utvrđuju se nove mjere koje imaju za cilj da se hitno sprječava širenje bolesti, da se zaštite najugroženije osobe i da se poduzmu sve potrebne radnje kako bi se izbjeglo urušavanje našeg zdravstvenog sistema.

Određeni zaposleni će morati nastaviti da dolaze na svoja radna mjesta. Rješenja za rad na daljinu koja nude poslodavci ili rješenja za skrb o djeci u profesionalnom ili ličnom kontekstu moraju da imaju prijednost za njihovu djecu. Kada to nije moguće, **usluga za školsku skrb je na raspolaganju za djecu čiji roditelji nemaju rješenje za privatno čuvanje djece. Taj zadatak ne može da se povjeri osobama kod kojih postoji poseban rizik.** Ova usluga je na raspolaganju roditeljima koji su, između ostalog:

- osoblje zdravstvenog sistema;
- osoblje zatvorskih ustanova, dežurno osoblje obezbjeđenja i osoblje potrebno za obavljanje osnovnih državnih zadataka;
- dežurno osoblje koje je zaduženo za prehrambene trgovine i osnovne potrepštine;
- osoblje koje se bavi školskom skrbi o djeci.

Dotični roditelji moraju da najave potrebu za čuvanjem djece sekretarijatu ustanove u kojoj se njihova djeca školuju. Svako dijete mora da ponese piknik ručak sa sobom.

Za više informacija:

- [Odluka br. 167: "Odredbe za provođenje usluge školske skrbi o djeci \(SAS\) \(COVID 19\)" \(PDF, 139 Ko\)](#)
- [Usluga školske skrbi o djeci \(PDF, 168 Ko\)](#)

Kako da se ponašate u obrazovnim ustanovama u kantonu Vaud?

PROTECT YOURSELF AND OTHERS 

Keep your distance. 

Recommendation: If it's not possible to keep your distance, wear a mask. 

Continue to work from home if possible. 

STILL IMPORTANT:

 **Wash your hands thoroughly.**

 **Avoid shaking hands.**

 **Cough and sneeze into a tissue or the crook of your arm.**

 **Stay at home if you experience symptoms.**

 **Always call ahead before going to the doctor's or the emergency department.**

www.foph-coronavirus.ch



Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Confederation

Bundesamt für Gesundheit BAG
Office fédéral de la santé publique OFSP
Ufficio federale della sanità pubblica UFSP
Uffizi federal da sanadad publica UFSP



Scan for translation

Osnovne preporuke su namijenjene svim učenicima i svom prisutnom osoblju kako bi se omogućila školska skrb o djeci u obrazovnim ustanovama i istaknute su u svim ustanovama putem zvaničnog plakata OFSP-a, i to:

- da je potrebno redovno i pažljivo da perete ruke vodom i sapunom;
- da treba izbjegavati rukovanje;
- da je potrebno biti na distanci od bliskog kontakta / izbjegavati bliske fizičke kontakte;
- da je moguće za odrasla lica ili nastavnike nositi masku kada udaljenosti ne mogu da se poštuju;
- da treba kašljati i kijati u maramicu ili lakat;

- da, u slučaju simptoma (groznica i kašalj), to odraslo lice ili dijete mora da ostane kući. Ako se simptomi pogoršaju, mora da pozove svog porodičnog ljekara.

Povratak u službu za školsku skrb o djeci je moguć samo ako se bolesna osoba u potpunosti oporavila (24 sata nakon prestanka simptoma nalik na grip, to jest groznice i/ili kašlja). U slučaju pozitivnog testiranja, konsultovati FAQ Kantonalnog ljekara.

[Vebsajt posvećen](#) savjetima i preuzimanju plakata „Nouveau coronavirus : voici comment nous protéger“

Zašto se predviđa povratak na nastavu 11. maja za učenike obaveznog obrazovanja?

Savezno vijeće je odobrilo, 29. aprila, povratak na nastavu u školama. To je dobra vijest za školstvo. Međutim, ovaj povratak se može izvesti samo uz najstrože poštovanje sanitarnih mjera. Zdravlje je naš prioritet.

U planu zaštite OFSP-a navedeno je da se djeca razboljevaju mnogo rijetko od odraslih, da imaju malo simptoma i da je ova bolest za njih benigna. Oni skoro ne igraju nikakvu ulogu u širenju virusa.

Za više informacija:

- [Odluka br. 170 "Odredbe za primjenu sanitarnih i organizacionih mjera u kontekstu postepenog fizičkog povratka na nastavu u školama \(Kantonalni plan zaštite - COVID-19\)" \(PDF, 173 KB\)](#)

Čemu služi povratak na nastavu?

Povratak na nastavu omogućava da se djeca vrate društvenim vezama, njihovim razredima, da vide školske drugove i da povrate odnos sa nastavnikom i školskim sistemom. To osigurava društvenu jednakost, jer se za vrijeme obrazovanja na daljinu, kao i za vrijeme raspusta, povećavaju nejednakosti između onih kojima se pruža pomoć, školske alatke i nadzor i onih koji imaju manji pristup istim.

Povratak na nastavu takođe omogućava identifikaciju i rad sa učenicima koji su najviše ispaštali zbog ovog prekida u nastave u školi. Program je takođe osmišljen na način na koji bi se učvrstila važna i korisna znanja za dalje obrazovanje što i pomaže Ministarstvu da pripremi 2020-2021. školsku godinu.

Za više informacija:

- [Pismo roditeljima i učenicima - 30. aprila 2020. \(PDF, 133 Ko\)](#)

Kako će se odvijati povratak u školu?

Polovina svakog razreda će se postepeno vratiti u školu od ponedjeljka 11. maja do srijede 20. maja (do Spasovdana) za prva dva ciklusa (1-8P). Poslije Spasovdana, povratak u školu cijelih razreda za uzraste od 1P do 8P biće efektivno od ponedjeljka, 25. maja.

Polovina razreda za uzraste trećeg ciklusa (9-11P) će se vratiti u školu tokom tri nedjelje (od ponedjeljka 11. maja do petka 29. maja). Izvršiće se uvid u situaciju radi povratka u školu cijelih razreda od ponedjeljka 1. juna.

Koja sanitarna pravila moraju da poštuju učenici i nastavnici od 11. maja?

- Moraju prati ruke kada dođu u školu, nakon prijepodnevnog i poslijepodnevnog odmora. Ako nema dovoljno lavaboja, hidro-alkoholni rastvor se može koristiti pod nadzorom odrasle osobe;
- Kašljati i kijati u maramicu ili u prijevoju lakta ruke;
- Djeca i odrasli moraju poštovati razdaljinu od 2 metra između njih, što važi i za same odrasle. Međutim, nema propisane minimalne udaljenosti između djece koja pak moraju da ograniče međusobni fizički kontakt: treba izbjegavati rukovanje, ali se na primjer, djeca mogu pozdraviti kontaktom lakta; treba izbjegavati ljubljenje i preferirati igre i fizičke aktivnosti bez kontakta.

Za više informacija:

- [Odluka br. 170 "Odredbe za primjenu sanitarnih i organizacionih mjera u kontekstu postepenog fizičkog povratka na nastavu u školama \(Kantonalni plan zaštite - COVID-19\)" \(PDF, 173 KB\)](#)

Koje se mjere preduzimaju radi zaštite obrazovnih radnika od 11. maja?

- Prozirni plastični paneli su postavljeni na šalterima školskih sekretarijata i regionalnih sekretarijata PPLS-a;
- Radna mjesta u zbornicama su postavljena tako da poštuju rastojanje od 2 metra između dvije odrasle osobe. Takođe, pristup dotičnim prostorijama će se vršiti naizmjenično;
- Maske su dostupne za određene situacije ili na zahtjev;
- Kante za otpatke se prazne jednom dnevno i nijedna se ne ostavlja bez poklopca, čak iako nam je pri ruci samo običan karton ili plastična kesa;
- Dijeljenje dokumenata moraju obavljati učenici umjesto nastavnika;

- Odrasli i djeca ne smiju dijeliti hranu.

Pod kojim uslovima se odvijaju školski odmori i kraj nastave od 11. maja?

1P do 8P: školski odmor se odvija naizmjenično kako bi se izbjegla velika okupljanja.

9S do 11S: učenici izlaze u dvorište istovremeno, gdje se geografski raspoređuju. Ne smiju napustiti zonu koja je dodijeljena njihovoj grupi / razredu u pokrivenom dvorištu.

Na kraju nastave, svi učenici odmah napuštaju pokriveno dvorište. Roditelji koji dolaze po njih moraju da izbjegavaju okupljanje oko škole.

Da li će se učionice i zgrade dezinfikovati?

Od 11. maja, učionice će se dezinfikovati najmanje dva puta dnevno u vidu prostorija, površina, stolova, kvaka na vratima ili prozorima, gelendera, toaleta i zajedničkih uređaja u zbornici. Oprema koja se ne može oprati niti dezinfikovati se uklanja (jastuci, tepisi, igre od tkanine, itd.).

Osim toga, specijalne naprave za higijenu ruku će biti postavljene na ulazima u sekretarijate, zbornice, biblioteke i druga javna mjesta ili zajedničke prostorije. U slučaju nedostupnosti lavaboja u školi, učenici mogu da koriste hidro-alkoholni rastvor pod nadzorom odrasle osobe.

Ko kontroliše primjenu svih ovih mjera?

Školske uprave su odgovorne za kontrolu primjene svih sanitarnih mjera, pod nadležnošću prefekata ili kantonalnog ljekara od koga se može zatražiti pomoć.

Da li će kantine, školski restorani i učionice za domaće zadatke biti otvoreni od 11. maja?

Otvoreni su, ali učenici od 9. razreda moraju poštovati posebna higijenska pravila: na primjer, da ulaze u učionice po grupama i to ne istovremeno. Učionice za domaće zadatke će biti otvorene i podliježu istim školskim pravilima higijene i udaljenosti.

Da li će se školski prijevoz normalno funkcionisati od 11. maja?

Očekuje se da će školski prijevoz funkcionisati od 11. maja. Nadležni organi će odrediti sanitarna pravila koja će se primjenjivati tokom prijevoza.

Šta preduzeti od 11. maja ako osoba (učenik ili nastavnik) ima simptome u učionici?

U slučaju kašlja (obično suvog), upale grla, disajnih problema, povišene temperature, osjećaja groznice, bolova u mišićima, iznenadnog gubitka mirisa i / ili ukusa, glavobolje, gastrointestinalnih simptoma, konjunktivitisa ili prehlada, učenik mora da:

- izađe iz učionice;
- dobije masku;
- da sačeka roditelje ili da sam ode kući (zavisno od uzrasta);
- roditelji su dužni da se obrate pedijatru ili da se jave pozivom na dežurni telefonski broj Kantona.

Nastavnik mora da:

- izađe iz učionice;
- dobije masku;
- ode kući;
- se obrati ljekaru ili da se javi pozivom na dežurni telefonski broj Kantona.

Kako će se ocijeniti moja školska godina?

Ocjene se više ne primjenjuju. Školstvo Kantona Vaud je oštro u pogledu sanitarnih mjera, ali dobronamjerno u pogledu nastave i školskih programa. Uslovi za polaganje razreda, usmjeravanje, preusmjeravanje i diplomiranje su ublaženi. Za polaganje razreda za učenike od 4P do 5P, od 6P do 7P, od 8P do 9S, od 9S do 10S i za diplomiranje od 10S do 11S:

- Prosjeci prvog semestra se upoređuju sa onima od 13. marta, usvaja se opšta situacija koja je najpovoljnija za učenika;
- U svim "*graničnim slučajevima*" (učenik koji jednostavno nema prosjek), učeniku se priznaje razred;
- U situacijama neuspjeha, odluka upravnog odbora se može donijeti analizom opšte situacije i uzimanjem u obzir vladanja od momenta povratka u školu.

Što se tiče usmjeravanja za stručni smjer (VP) ili opšti smjer (VG), ne primjenjuju se granični slučajevi niti diskusije. Međutim, i ovdje su uslovi ublaženi, jer se takođe usvaja prosjek koji je najpovoljniji za učenika, prosjek od 13. marta ili prvog semestra.

Za više informacija:

- [Odluka br. 171: "Odredbe za učenike obavezne škole, kojima se regulišu izuzetni modaliteti za polaganje razreda, usmjeravanje, preusmjeravanje, diplomiranje i prijem u vezne razrede i u škole opšte kulture i trgovine, gimnazije ili stručne škole \(COVID-19\)" \(PDF, 150 Ko\)](#)

Da li će se održati diplomski ispiti (11. razred)?

Državni savjet je donio odluku da otkáže diplomske ispite za drugostepeno obrazovanje (11. razred), u smislu već preduzetih mjera.

Uslovi za dobijanje diplome:

- Usvaja se prosjek koji je najpovoljniji za učenika (1. semestar ili 13. mart);
- Granični slučajevi automatski diplomiraju;
- U situacijama neuspjeha, odluka upravnog odbora se može donijeti i analizom ukupne situacije i uzimanjem u obzir vladanja od momenta povratka u školu.

Referentni kantonalni ispiti (ECR) se otkazuju, a odluke o polaganju razreda, usmjeravanju i preusmjeravanju donose se na osnovu već dobijenih rezultata u školi.

Za više informacija:

- [Odluka br. 171: "Odredbe za učenike obavezne škole, kojima se regulišu izuzetni modaliteti za polaganje razreda, usmjeravanje, preusmjeravanje, diplomiranje i prijem u vezne razrede i u škole opšte kulture i trgovine, gimnazije ili stručne škole \(COVID-19\)" \(PDF, 150 Ko\)](#)
- [Odluka br. 166: "Odredbe za sprovođenje obrazovanja na daljinu za obavezno obrazovanje \(COVID-19\)" od 24. marta 2020. \(PDF, 151 KB\)](#)
- [Odluka od 23. marta 2020. o mjerama podrške u oblasti obaveznog obrazovanja čiji je cilj ublažavanje posljedica mjera preduzetih u borbi protiv koronavirusa \(COVID-19\) \(PDF, 31 KB\)](#)
- [Pismo roditeljima i učenicima "Obrazovanje na daljinu od 27. aprila 2020. - Ukidanje ispita za 11. razred" \(PDF, 240 KB\)](#)

Još nemam plan za profesionalnu budućnost, u 11. razredu sam i počeo sam da se brinem. Ko može da mi pomogne u ovoj posebnoj situaciji...?

Za učenike koji su pri kraju školovanja i koji se nalaze u neizvjesnost što se tiče njihove profesionalne budućnosti, Kantonalna služba za obrazovanje i profesionalno usmjeravanje (OCOSP) je na usluzi da objasni funkcionisanje obrazovnog sistema, da pomogne djeci u njihovom izboru profesije, da sagleda njihovu situaciju i da ih podrži, ako je to potrebno, u formulisanju zahtjeva za prijem na neko prijelazno rješenje za narednu školsku godinu (2020-21). Ove mjere podrške za integraciju u stručno obrazovanje (CFC / AFP) podržavaju mlade u pogledu njihove profesionalne budućnosti (izbor profesije, obrazovno usavršavanje, traženje slobodnog mjesta za obuku, itd.). Obrazac prijema za prijelaznu mjeru 1 i informacije se mogu naći na [stranicama OCOSP-a](#).

Od 11. maja, moje dijete će svakog drugog dana ići u školu a ja neću imati rješenje u vezi njegovog čuvanja. Šta da radim?

Služba za prijem u školu (SAS) će raditi do 22. maja i primaće učenike od 1P do 8P čiji roditelji rade i nemaju rješenje u vezi čuvanja djece. Oni moraju unaprijed da jave školskoj ustanovi datum ili datume kada će dotična djeca dolaziti u SAS.

Učenici od 9S do 11S nemaju mogućnost pristupa SAS-u. U slučaju nužde, privileguje se primanje u učionicu ili neko rješenje koje će ponuditi školska ustanova.

Šta da radim ako sam ranjiva osoba ili živim sa jednom ili više ranjivih osoba?

U tom slučaju, školska ustanova će Vas obavijestiti putem [ovog obrasca \(DOC, 43 KB\)](#) koji će Vam omogućiti da se prijavite i omogućite učeniku da ima pravo na obrazovanje na daljinu. Povratak u školu će kasnije biti moguć ako budu ispunjeni određeni sanitarni uslovi.

Za obrazovne radnike: služba za državne službenike Kantona Vaud se konsultuje sa sindikatima i direktiva je u toku izrade.

Za više informacija:

- [Lična izjava: ranjiv učenik ili učenik koji živi sa ranjivom osobom \(Word dokument\) \(DOC, 43 KB\)](#)
- [Ko su ranjive osobe? \(prema Odredbi 2 COVID-19 Saveznog savjeta\)](#)

Radim u obrazovnoj ustanovi; ko čuva moju djecu tokom radnog dana?

Dotična djeca imaju pravo na uslugu školske skrbi u njihovim ustanovama od 7:00 do 18:30 za obavezno školovanje.

Radim u zdravstvenoj ustanovi gdje je potrebno moje prisustvo. Ne mogu da ostanem kod kuće sa djecom; šta da radim?

Kako se ne bi ometale mjere u borbi protiv virusa, dotična djeca imaju pravo na uslugu školske skrbi u njihovim ustanovama od 7:00 do 18:30 za obavezno školovanje.

Kada će se ponovo otvoriti ustanove za post-obavezno obrazovanje (gimnazije, stručne škole, itd.)?

Povratak na nastavu u tim ustanovama je određen za od 8. juni, u skladu sa zahtjevima Konfederacije. Do tada, obrazovanje na daljinu se nastavlja. Ocjene su ukinute, količina rada je prilagođena kontekstu a digitalne nastavne alatke se primjenjuju.

Za više informacija:

- [Odluka br. 169: "Odredbe za sprovođenje obrazovanja na daljinu za post-obavezno obrazovanje \(COVID 19\)" \(PDF, 258 KB\)](#)

Da li će se polagati maturski ispiti u gimnazijama i kakvi će biti uslovi polaganja?

Maturski usmeni i pismeni ispiti u gimnazijama se otkazuju. Učenici će diplomirati na osnovu dobijenih rezultata posljednje godine predavanja. Učenici koji su u situaciji neuspjeha mogu izaći na popravni ispit u avgustu za grane koje su uobičajeno predmet ispita.

Da li se održavaju ispiti za pripravnike?

Kanton je bio vrlo aktivan kako bi se pronašlo nacionalno rješenje:

- ispiti za teorijski dio (operativne vještine i opšta kultura) su otkazani za sve profesije na saveznom nivou;
- što se tiče ispita praktičnog dijela obuke, savezne vlasti su definisale različite procedure polaganja prema profesijama, ostavljajući kantonima mogućnost izuzetaka

za sektore za koje primjena ispita nije bila moguća iz sanitarnih razloga. Kanton Vaud je naveo četrdesetak izuzetaka (na primjer, trgovina, zdravstvo, socijalna djelatnost, građevina i mehanika). Ako želite da provjerite situaciju za Vašu obuku, možete da se obratite Vašoj obrazovnoj ustanovi ili pozvati [dežurnu telefonsku službu](#).

Da li pripravnici moraju da idu na radno mjesto?

Pripravnici ostaju kod kuće i pruža im se obrazovanje na daljinu danima kada bi inače bili na nastavi. Ostatak vremena odlaze na radno mjesto, osim ako poslodavac ne odredi drugačije. Nadzorna misija od 65 profesionalnih komesara je pojačana radi veće bezbjednosti pripravnika na poslu.

Za više informacija:

- [Odluka br. 168: "Mobilizacija profesionalnih komesara za nadgledanje uslova rada pripravnika na poslu prema preporukama Savezne službe za javno zdravstvo \(OFSP\) u kontekstu borbe protiv koronavirusa COVID-19" \(PDF, 246 KB\)](#)

Da li će se polagati maturski ispiti u stručnim ustanovama i kakvi će biti uslovi polaganja?

Savezno vijeće je najavilo, 29 aprila, otkazivanje svih završnih maturalnih ispita u stručnim ustanovama. Izuzeci su samo grane za koje su već prethodno polagani i u potpunosti završeni ispiti. Učenici će dakle položiti maturu profesionalnog obrazovanja na osnovu "školske" ocjene koja odgovara prosjeku ocjena dobijenih u svakoj grani tokom ispraćenih semestara u školi.

Učenici koji do kraja ovog postupka kvalifikacije ne budu položili maturu profesionalnog obrazovanja, mogu polagati ispite koji će se održati u avgustu. Učenik koji ponovi postupak kvalifikacije polaže ispite u svim granama ili dijelovima grana za koje konačna ocjena nije dovoljna. Nova konačna ocjena za svaku granu je zatim određena ocjenom dobijenom na ispitu. Školska ocjena se ne uzima u obzir. Popravni ispit u avgustu će se smatrati prvim postupkom kvalifikacije za maturu profesionalnog obrazovanja.

Šta se dešava sa školom opšte kulture i specijalizovanim maturama?

Čekamo međukantonalnu odluku o tim temama.

Šta raditi ako učenik ili obrazovni radnik ima simptome?

U slučaju groznice i kašlja, taj učenik ili radnik mora da ostane kući. Ako se simptomi pogoršaju, mora da pozove svog porodičnog ljekara.

Da li se održavaju studijska putovanja (kampovi i školski izleti) u Švajcarsku?

Sve ove aktivnosti su otkazani do kraja školske godine.

Da li se i dalje održavaju putovanja u inostranstvo?

Studijska putovanja, kampovi i drugi školski izleti u inostranstvo otkazani su do kraja školske godine.

Modaliteti vraćanja novca za otkazana putovanja su u toku razmatranja.

Kako mogu da procijenim lično stanje ili stanje osoba koje me okružuju?

[CoronaCheck](#) je alat koji omogućava brzu procjenu Vašeg rizika ili rizika osoba koje Vas okružuju i koji Vas upućuje šta da radite (<https://coronavirus.unisante.ch/>).

Imate pitanje na koje niste našli odgovor u ovom FAQ-u?

Možete da pozovete na neki od sljedećih brojeva:

- Roditelji koji se susreću sa obrazovnim poteškoćama sa svojom djecom: **021 644 20 32** od 8:00 do 20:00 od ponedjeljka do petka;
- Djeca ili mladi koji se suočavaju sa poteškoćama u svom svakodnevnom životu: **147**, linija je otvorena 24 sata dnevno;
- Školska skrb o djeci, privatne škole i vanškolske aktivnosti: **021 316 30 21** od 8:00 do 18:00 od ponedjeljka do petka;
- Obrazovanje na daljinu i druga pitanja o obaveznom obrazovanju: **021 316 32 64** od 8:00 do 18:00 od ponedjeljka do petka;
- Post-obavezno obrazovanje (pripravnici, gimnazije): **021 316 62 95** od 8:00 do 18:00 od ponedjeljka do petka.

Saznajte više

[Savjeti Federalne kancelarije za javno zdravstvo \(OFSP\)](#) ažurirani u stvarnom vremenu i linija za informacije Ligne infos coronavirus: +41 58 463 00 00 (svaki dan 24 sata dnevno)

Kantonalna vruća linija za odgovor na sva pitanja populacije o koronavirusu: 0800 316 800 (svaki dan od 08:00 do 20:00)



Département de la formation,
de la jeunesse et de la culture

Da biste pratili razvoj situacije i dobili odgovore na svoja pitanja, možete da konsultujete <https://www.vd.ch/coronavirus> i veb-sajt obrazovne ustanove.